

Dieser Vermannung mügen sich billich alle Christen Menschen erinnern / so oft sie an die grossen Wolthaten Christi / insonders an das Werck der Erlösung gedenccken. Sintemal derselbe nicht allein vnser Bürge geworden / solcher Gestalt / daß er sich vmb vnsern willen vnter das Geseze gegeben / vnd für vns sich hat fangen vnd binden lassen: sondern es ist ihm auch nach dem gemeinen Sprichwort gangen.

### Bürge sol man würgen.

Weil er sich also für vns versetzet hat / daß er an vnser Statt / vmb vnser grossen Sünden Schulden willen: vnd von wegen vnser groben Verbrechen / damit wir den Todt / vnd das ewige hellische Feuer verdienet hetten / sich hat schlagen / jagen / vnd plagen / peinigten vnd marteren / ja endlich würgen vnd tödten lassen. Da sollen wir nu billich an gedenccken / vnd dieses vnser Bürge nicht mehr vergessen. Wie vnser Bürge Christus vns denn selber hiezu vermanet Esai. 44. wenn er sagt: Israel vergiß nicht: ich vertilge deine Missethat / wie ein Wolcken / vnd deine Sünde / wie den Nebel / kere dich zu mir / denn ich erlöse dich. Mit solchen Worten wil er das edle Kraut Vergiß nicht mein / in vnser Herze pflanzen: vnd ersodere daß wir ja seiner Wolthaten / insonders daß er vnser Missethat vnd Sünden vertilget: (welchs Krafft seines Leidens geschicht) nicht vergessen sollen. Wie / leider / sonst viel Menschen thun: sintemal nichts gemeiners / denn daß einer der empfangenen Wolthaten leicht vergisset.

Esai. 44

Omnia sunt ingrata: nihil fecisse benignè est.

Alles ist voll Vndancks in der Welt:

Der Wolthat man vergisset bald:

Auff daß aber fromme Christen / ihres trewen vnd hochverdienten Bürge Christi / vnd wie er sich für sie versetzet hat / nicht vergessen müchten: sondern Anlaß vnd Gelegenheit haben / sein zu gedenccken / vnd ihm zu dancken: haben vnser löbliche Vorfaren gewisse Jahres Zeit hiezu verordnet: nemlich die Fasten Zeit / darinne man die Histori des Leidens vnd Sterbens vnser Bürge Christi

Cetull.  
Cap. 74

ff